

Oké Take Away
 Nos Special
 Cuminda
 Crioyo
565-3232

S **Prijs** **1.25** **LO**
Di Pueblo
 BRIYANDÓ FUERTE • TRECIENDO CLARIDAD
 Diamars 10 October 2023

SETAR ta
 introduci su
 WhatsApp
 Self-Service
 via **5979999**

FUNDACION SAVANETA A CASITA ARUBIANO NA CAMINDA GRANDI

Fundacion Savaneta a bin ta hasiendo un bunita trabao pa restaura un cas bieuw na caminda grandi.

E fundacion a skirbi: Awe diadomingo bou solo cayente trabounan a continua na Savaneta 64. Fundacion den full swing den su campaña di verf nos casnan di antaño den Savaneta hibando nos balornan cultural den un bachi nobo. Algo pa turistanan

tambe por aprecia di e identidad Arubano. Danki Aruba Bank y Aruba Ocean Villas como Main Sponsor y tambe Setar, FCCA y Mauchies Smoothies.

Danki na nos Voluntarionan balente di awe. Savaneta den progreso

Solo di Pueblo ta felicita e fundacion pa e bunita trabao aki.



RICHARD KRAMMES A PERDE CASO NA CORTE: E NO TA BAY BEK WARDA NOS COSTA



Keho publico: tin air bnb cu ta den mal estado



Chauffeur burachi ta ocasiona accidente lagando un persona herida



ISRAEL A BOMBARDIA GAZA SIN PIEDAD



Kehe publico: tin air bnb cu ta den mal estado

Na un emisora di radio un señora a trece su keho dilanti.

Segun e señora cu recién algun conocir a bin Aruba y a huur un apartment pa 90\$. E apartment ta decepcionante.

Mal calidad, schimmel, sushi, hole malo, y e awa di sushi ta bay patras di apartment.

E señora ta puntra si tin cualke control, pasobra el'a pasa berguena.

Esaki lo perhudica tambe e number di Aruba.



Chauffeur burachi ta ocasiona accidente lagando un persona herida



Sabana Liber: Diadomingo algo despues di 7'or di anochi a sosode un accidente na e T kruising di Sabana Liber pa bay Alto Vista. Chauffeur di un Van blanco tabata biniendo di pabou y a no a regula su velocidad na tempo y a dal patras di un Nissan March cu a caba di sortea pa bira na su man robes pa bay direccion panort.

E impacto tabata basta fuerte cu e dama den e Nissan March a keda herida, mesora a pidi pa polis y ambulance na e

sitio. Na yegada nan a bin compronde cu e chauffeur di e Van no a controla su velocidad na tempo y a dal hopi duro patras di e Nissan March. Personal di ambulance a trata e dama na e sitio y despues a transport'e pa hospital.

Polis di trafico tambe a presenta y a haci test cu e chauffeur di e van, e la keda deteni pa a supla hopi mas di locual ta permiti. Transportwagen di polis a transport'e pa Warda di Polis.



Minister Geoffrey Wever A inicia proyecto di presentacion di Sustainable Development Goals na scolnan basico



Minister Geoffrey Wever a cuminsa cu su proyecto di presentacion di e metanan di desaroyo sostenibel, e 'Sustainable Development Goals (SDGs)', na alumnonan di 6e klas di scolnan basico. E presentacion ta pa yuda cu conscientisacion di kico e metanan ta ensera y con cada un di nos por yuda na logra e metanan.

Kico ta desaroyo sostenibel? Desaroyo sostenibel a ser defini como desaroyo cu ta cubri e necesidadnan di e presente sin compromete e abilidad di futuro generacionnan pa por cubri nan propio necesidadnan. Esey ta nifica cu cada generacion mester tene cuenta cu nan bienestar y cu e bienestar di e siguiente generacionnan tambe. Pa logra esaki mester tin harmonia entre e aspecto humano, balans den desaroyo economico y prosperidad, y tambe proteccion pa nos medio ambiente.

E SDGs ta consisti di 17 meta pa paisnan na mundo traha na dje pa un miho mundo. E ta wordo parti den 5 pilar: People, Prosperity, Planet, Peace y Partnership.

E prome scol cu a ser bishita ta Mon Plaisir Basisschool. Den transcurso di e simannan binidero Minister Wever lo sigui bishita demas scolnan.

RICHARD KRAMMES A PERDE CASO NA CORTE: E NO TA BAY BEK WARDANOS COSTA



Hues a dicta sentencia dialuna den e caso unda e polis Richard Krammers, y ex hefe di warda nos costa a cuminsa contra gobierno, pa pone bek na trabao, mientras ta sperando decision di corte den un caso di bodem procedure. (Caso largo).

E petishon di Krammers ta pidi pa corte suspende e desicion te ora e corte den

bodemprocedure disidí y pa corte ordena gobierno pa permití Krammers pa reanuda su actividanan cono hefe interino di e Oficina di warda nos costa.

Hues a nenga e peticion aki y esey kemen cu Krammers lo no reanuda trabao na Warda Nos Costa.

Tur cos ta draai riba e hecho cu dia 6 di

September 2022, gobierno a termina Krammers su trabao na Warda nos Costa y mande bek na KPA, na su trabao original cu ta na departamento di cacho.

Motibo ta cu debi na varios asuntonan cu a sali negativo riba su persona, e no por a wordo nombra como director en hefe na Warda nos Costa.



situa dilanti Colegio San Hose

Tur cuminda ta bin cu Aroz, Salada, Banana funchi.
Tambe nos tin sides di: extra sauce, pika habanero, mango of papaya
--- por agrega French fries si ta desea ---

Nos ta warda bo na Oké Take away situa schuin tegenover di Colegio san hose Santa cruz

Bon appetit**

Cu dos mucha den auto; chauffeur burachi a hera dal contra bushalte na Paradera



Paradera/ Ponton - Diadomingo anochi pasa di 8'or un ciudadano a avisa polis cu e lo ta tras di un Ecosport color shinishi.

E vehiculo aki tawata coriendo hopi malo mes, y na altura di Paradera e tuma direccion Rotonde Paperclip. Cerca di rotonde un poco mas e la dal contra e bushalte. Ariba e caminda di Paradera e la hera dal contra tres auto, na varios ocasion; segun e testigo cu tawata su tras.

Na e sitio di e detencion e ciudadano a conta polis cu e la sigui e auto pa asina polis por stop e; prome cu e causa un desgracia grandi.

Momento cu polisnan a par'e tegenover di un supermercado na Ponton; agentenan ta topa cu dos criatura sinta patras, inocentemente.

Mesora un agente femenino a saca for di e auto y pone nan sinta den e patruya, mientras a bay over mesora na detene e chauffeur cu di baina por a para ariba su pianan.

Polis a bay hiba e muchanan e adres cu nan lo tawata bayendo sano y salvo; mientras cu e homber nos no sa si ta nan tata a wordo hiba warda den transportwagen.



ARUBA BANK TA CLAUSURA CAMPAÑA DI HIPOTECA CU GANADOR DI 15 MIL FLORIN

9 di october 2023 – Durante luna di april, Aruba Bank a lansa cu campaña di hipoteca, “Realisa bo cas”. A peticion di clientenan a extende e campaña cu un periodo mas, pa duracion di tres (3) luna, cu a inicia na juli 2023 te cu september 2023. Tur persona cu a aplica y a finalisa nan proceso di hipoteca durante e periodo di juli te cu september 2023 automaticamente a participa pa gana AWG 15,000.

Vincent Henry a construi su cas durante e periodo di campaña y a gana e suma di AWG 15,000.

Vincent a ricibi tur

conseho di hipoteca for di nos experto den hipoteca Jane Lacle, y asina a logra realisa su cas nobo cu un hipoteca di Aruba Bank.

Vincent ta sumamente contento cu e suma ricibi y awor por sigui pa amplia su cas danki na e suma adicional.

Aruba Bank ta felicita e feliz ganador y ta gradicie pa su confiansa den Aruba Bank pa jude realisa e cas di su soño. Nos kier recorda tur persona cu ta desea di aplica pa un hipoteca cu por ricibi traha un cita usando nose Appointment tool riba nos website www.arubabank.com.



Cambia perspectiva tocante obesidad: Sa bo number y midi bo peso



Biba Un Experiencia Superior

24/7 BANKING

Ora bo tin
MAS OPCION
Tur cos ta mas facil

SMART DEPOSIT MACHINE
E-APPOINTMENT
APP
KIOSK
ONLINE .com

Servicionan cu ta **simplifica bo bida**

www.arubabank.com
Find us on:

Arubabank

Seminario pa Student-Athletes: Un colaboracion entre EducationUSA, UStudy y USA Baseball

Un sesion educativo specialmente pa studiantenan y mayornan



Ariba diasabra dia 14 di oktober na Universidad di Aruba a tuma lugar e sesion titula: “College Baseball in the USA – What you need to know” di 9:00 – 11:00am dedica especificamente na estudiante-atletanan cu tin e meta pa sigui nan estudio y hunga baseball na Merca.

Student-athlete adviser di EducationUSA Aruba, Jo-Anne Croes lo inicia e sesion introduciendo kiko ta e posibilidadnan y recursonan cu tin na Aruba pa nos estudiante-atletanan. UStudy educational and athletics adviser, Marina Meijer lo comparti informacion relevante tocante con pa scohe un institucion, e proceso di aplicacion y fondonan.

Sr. Drew Briese ta e head baseball coach na Centre College y lo elabora ariba diferente punto cu un famia mester tene na cuenta si kier yega e nivel

aki. Y lo comparti kiko e como head coach ta buska den un Student-Athlete. En general tin tres aspecto specific cu mester enfoca riba dje cual ta: Talento, Cifranan y Character. Tur tres di e elementonan aki ta mesun importante, talento ta forma solamente un tercera parti. E cifranan di school lo determina e cantidad di ayudo financiero cu un atleta por ricibi pa su estudio rebahando e gastonan y bo character, ta locual lo lagabo sobresali riba un otro cu tin mesun nivel di talento y cifra.

E lo ta un sesion interactivo cu amplio oportunidad pa pregunta. Ta invita tur estudiante entre 12 – 17 aña cu tin e meta pa sigui cu nan carera como student-athlete na Merca pa atende e seminario aki dia 14 di oktober di 9-11am na Universidad di Aruba, Room 4.

Mester registra pa por




sigura un lugar, mirando cu tin un maximo cantidad

di persona cu por fit den e sala. Registra aki: [https://](https://bit.ly/studentathlete2023)

bit.ly/studentathlete2023

MINISTER ENDY CROES TA DESEA E ATLETANAN CU TA BAY REPRESENTA ARUBA DEN JUEGOS PANAMERICANOS 2023 NA SANTIAGO, CHILE HOPI EXITO

COA a realisa un bunita ceremonia pa e 14 atletanan di Team Aruba



Diabierna ultimo, Minister di Enseñansa y Deporte Endy Croes tabata presente na e oficina di Comité Olimpico Arubano pa despedi di e 14 atletanan cu ta biahando na Santiago, Chile.

E atletanan aki ta bay competi den Juegos Panamericanos 2023 di 20 di october pa 5 di november 2023, unda cu 7 mil atleta di 41 pais den 39 diferente deporte ta participando, entre otro, landamento sincronico, landamento, bowling, windsurfing y shooting. Durante e ceremonia, Minister Endy Croes a hiba palabra pa desea e atletanan exito y recorda nan e importancia di aplica e balornan olimpico. Ademas di esaki, Sra. Nicole Hoevertsz, Presidente di COA y vice presidente internacional di Weganan Olimpico a hiba palabra y a gradici Minister Endy Croes pa su colaboracion cu COA. Sra. Wanda Broeksema secretaria general di COA, a presenta Minister Endy Croes e pin oficial

di Juegos Panamericanos 2023.

Durante e ocasion special aki, Sr. Jonathan Wever a haci un tremendo presentacion di e Juegos Panamericanos 2023. Tambe, e atletanan a haci un desfile di e uniform cu nan lo uza durante e competencia na Chile. Sra. Nicole Hoevertsz a regala Minister Endy Croes e uniform oficial cu Team Aruba ta bay luci na Chile, patronisa pa Tutto Aruba.

Fuera di esaki, e anochi aki Royal Aloe Blue a bira un stakeholder di COA y e representantenan a duna un discurso. Ademas durante e ceremonia a inaugura e billboard grandi di Juegos Panamericanos 2023. Minister Endy Croes ta gradici e team cu tin varios tempo ta preparando e atletanan pa bay representa nos isla dignamente.

Alabes, ta desea e atletanan hopi exito den Juegos Panamericanos 2023 na Chile. Balornan olimpico



manera excelencia, amistad y respet ta esencial pa ta exitoso y aplicando e 4D-nan di deporte, cual ta disciplina,

deseo, y determinacion. Finalmente, e mandatario di Deporte ta gradici tur stakeholder, manera

Stichting Sportsubsidie Aruba (SSA) y Fundacion Lotto pa Deporte (FLPD) cu a aporta pa por a hiba e atletanan den exterior.

Prome Minister Evelyn Wever-Croes:

Na caminda pa certamen di beyesa internacional Miss Universe, **PROME MINISTER A ENTREGA PIN DI BANDERA DI ARUBA NA KAROL CROES Y A NOMBRE COMO EMBAHADORA OFICIAL DI NOS BEYEZA ARUBANO**



Dialuna mainta, Prome Minister Evelyn Wever-Croes a ricibi bishita di Miss Universe Aruba, Karol Croes na unda cu señorita Croes a informa Prome Minister di su

representacion pa Aruba dia 18 November proximo den e prestigioso certamen di beyesa na San Salvador.

Prome Minister a keda hopi contento cu e bishita

aki di nos representante di beyesa den un certamen di beyesa internacional y a tuma su tempo pa conoce tocante e preparacionnan di señorita Karol Croes pa un evento asina importante na unda cu mundo henter lo tin bista riba cada reina di beyesa. Karol a conta di su entrevistanan na Telemundo cu Andrea Meza, Miss Universe 2020 y su photoshoot cu fotografo oficial di Miss Universe, Fadil Berishap.

“Nos ta sigur cu nos Miss Universe Aruba, Karol Croes lo briya cu gracia y determinacion den e cetamen di beyesa. Aruba lo keda pendiente di su participacion dia 18 di november próximo. Den number di Gobierno di Aruba y pueblo di Aruba, mi ta extende nos gratitud na señorita Karol, reconociendo e como un embahadora di nos pais. Su



perseverancia y dedicacion na preparacionnan, lo marca su exito den e certamen. Nos ta desea Karol hopi exito. Nos ta orguyoso di bo”, Prome Minister a expresa.

Na final di e encuentro na Bestuurskantoor, Prome

Minister a entrega un pin di bandera di Aruba na Karol Croes y a nombre como embahadora oficial di nos beyeza Arubano. Aruba, ban duna nos Miss Aruba tur sosten den e certamen maximo di beyesa na San Salvador, El Salvador.

SETAR ta introduci su WhatsApp Self-Service via 5979999

Entrante 1 di october 2023, clientenan di SETAR por haci uzo di SETAR su WhatsApp Self-Service via e number 5979999. E WhatsApp Self-Service ta wordo ofreci den tur cuater idioma, esta Papiamentu, Hulandes, Ingles y Spaño. E WhatsApp Self-Service ta brinda e cliente e facilidad pa por haya informacion di su cuenta. Ademá, e cliente por recarga number prepaid, cumpra data bundle y cumpra roaming bundle. Unabes cu manda un mensahe pa e number, e self-service menu lo sigui guia bo den e proceso.

Clientenan cu servicio prepaid por recarga nan credito prepago door di scan of hinca e number di un prepaid card. Pa clientenan di prepaid cu kier cumpra un bundle, e pago lo wordo kita for di e saldo di e credito prepago. Pa clientenan postpaid cu cumpra un bundle, e pago pendiente lo bin riba e cobranza di fin di luna.

Den futuro cercano SETAR lo sigui expande e self-service via otro canalnan manera Facebook y Web Chat y lo introduci mas funcionalidad manera, entre otro, pago di cobranza via Pay.aw, unda cu e cliente lo ricibi un payment request pa aproba via e Pay.aw app; status di bo cita pendiente; guia basico di troubleshoot y opcion pa registra un storing; y mucho mas.


E WhatsApp Self-Service ta un di e canalnan cu por tuma contacto cu SETAR. Clientenan por haci uzo tambe di e emailadres customercare@setar.aw of por yama 5251000 pa asistencia cu servicio of cualkier pregunta.



SELF SERVICE JUST GOT BETTER



START HERE



Get help with: Billing Information | Postpaid Add-ons |
Roaming Bundles | Prepaid Data Bundles | Prepaid Balance |
Prepaid Recharge Assistance



Minister Thijsen na misa na Papiamento na Den Bosch



Den Haag – Minister Plenipotenciario mr. Ady Thijsen y esposa Yshel Thijsen-Rasmijn a atende un misa na Papiamento na Lambertus kerk na Rosmalen. E misa na Papiamento ta wordo organisa pa “Disipelnan di ’s-Hertogenbosch” un biaha pa luna y desde 2012 esaki tabata tuma lugar na Anna Kerk na Den Bosch. E Marie Parochi ta bai cera algun misa, entre nan de Anna Kerk y a brinda e localidad na Rosmalen como alternativa pa e misanan na



Papiamento. di e organisacion a lesa y di dos lectura durante di e Minister Thijsen a peticion sacrificio di misa.



**FUNDACION VENERABLE
JOSE GREGORIO HERNANDEZ
TANKI LEENDERT 128**



Nobena na honor di Beato José Gregorio Hernández



E luna aki, Fundacion Venerable José Gregorio Hernández, lo celebra su nobena na honor di Beato José Gregorio Hernández, pa asina nos prepara nos mes pa su fiesta diahuebs 26 di october venidero, cu ta dia di su fecha natal.

Nos fundacion ta preparando un nobena biblico y cada dia ta bay tin un diferente reflexion cu e intencion pa dia ey.

E skema di e diferente dianan di e nobena ta manera ta sigui:
E prome dia ta dedica na Mundo henter; Di dos dia ta dedica na nos Mayornan; Di tres dia ta dedica na nos Mucha- y Hobennan; Di cuatro dia ta dedica na Matrimonio ; Di cinco dia ta dedica na Iglesia, Papa y Clero; Di seis dia lo tin Rosario bibo y ta dedica na Esnan den necesidad; Di shete dia ta dedica na tur Dokter y Esnan cu ta traha den Salubridad; Di ocho dia ta dedica na nos Gobernantenan y Di nuebe dia ta dedica na tur Enfermo- y Adultonan Mayor.

Riba e di nueve y ultimo dia di e nobena, tur hende por bin cu un bela pa ofrece na nos dushi Mama Maria.

Durante tur e dianan di e nobena, ta bay tin macuto na entrada di Sitio pa tur devoto por haci donacion di cumestibel pa esnan menos afortuna.

Un y tur ta keda cordialmente invita pa bin participa na e nobena cu ta cuminsa diamars, dia 17 di october pa 7’or di anochi y lo sigui asina pa tur e nueve dianan na nos Sitio di Oracion, situa na Tanki Leendert 128. E fiesta mes cu santa misa di Sanacion ta bay ta diahuebs, dia 26 di october pa 7’or di anochi.

Minister Ursell Arends:

COP17; Un conferencia exitoso pa e conservacion marino den region di Caribe



Oranjestad - Aruba cu orguyo a sirbi como pais anfitrión pa e recién celebración di Conferencia di Partido (COP) di Cartagena Convention, un tratado internacional significativo dedica na protección y preservación di vida marino den region di Caribe. E tratado aki cu a ser adopta na 1983 na Cartagena de Indias, Colombia, ta considera como un di e tratadonan clave pa e region marítimo desaroya bou di auspicio di Programa pa Medio Ambiente di Nacionnan Uni (UNEP).

cu e Ministerio di Landbouw, Natuur en Voedselkwaliteit di Hulanda den esaki.

Pa continua e cooperacion cu dicho Ministerio Hulanda, dia 5 di October, Minister Arends a firma un Memorandum di Entendimiento (MoU) hunto cu Minister Christianne van der Wal.

E meta di e MoU ta pa reforza colaboracion entre paisnan den Reino den area di recurso natural. E MoU aki ta desaroya riba



tema di conservacion di naturalesa, seguridad di alimentacion, y cumplimiento cu tratadonan internacional, fomentando colaboracion den Reino, permitiendo cada pais

constituyente di cumpli cu nan obligacionnan cu tratadonan internacional.

Minister Arends ta extende un palabra di gradicimento na tur esnan

cu a haci e conferencia aki exitoso. Un palabra di danki special na Directie Natuur en Milieu como e entidad gubernamental cu ta encarga cu e Convenio di Cartagena.

E obhetivo principal di Cartagena Convention ta preveni, reduci y controla contaminacion ambiental marino den region di Caribe mientras ta promove desaroyo sostenibel mediante maneho responsabel di recurso natural.

E conferencia, cu a tuma lugar for di 2 pa 6 di october 2023, a acoge representantenan di varios pais pa discuti esfuersonan colaborativo pa proteha y e uzo responsabel di nos lama Caribense. Minister Ursell Arends a expresa su orguyo den Aruba su rol como pais anfitrión pa e conferencia, colaborando



Grand Master Sra. Marilu de Veer Vice Presidente di PATU presente den Best of the Best



Den fin di siman a tuma
luga Best of the Best True-
score Aruba 2023 den Co-
legio EPI Auditorium.

Best of the Best a conta
cu e miho bringadonan y
miho coachnan di Aruba
cu a bringa contra Suri-
nam,
Merca y Corsou. Best of
the Best a conta cu e miho
refereenan di Aruba, Co-
lombia y Brazil.

Grand Master Marilu de
Veer Vice Presidente di
Pan American Taekwondo

Union "PATU" tabata tes-
tigo
di e ultimo version di e
Electronic Overlay Head
Gear Generation 3 na Aru-
ba di Jin Song e inventor
di e
sistema electronico.

Sra. Marilu de Veer a
gradici tur hende presente
pa nan apoyo na e evento
di mas grandi di Aruba
unda
cu por a mira e miho br-
ingadonan di Aruba den
accion contra e Paisnan
Internacional.



		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

Aruba Lions Club a instala varios miembro nobo

E club di servicio Aruba Lions den su afan pa cumpli cu e deseo di Lions Club International cu ta buscando pa yega su 1.5 millon di miembro na nivel mundial tambe ta reclutando voluntarionan pa nos isla di Aruba.

Si bo ta un persona cu ta gusta yuda den proyectonan comunitario y ta desea di duna un man den nos Club di Servicio anto Aruba Lions Club ta e club pa abo ta parti di dje.

Den nos "Den" (club) di Aruba Lions a instala :

- Nicole Ruiz
- Ghislain Lampe
- Marc Fowler
- Neomar Croes
- Maximo Lampe
- Hilda Statia
- Feyner Mejia
- Gregory Trim

Aruba Lions Club ta un club di servicio cu ta brinda Aruba e servicio comunitario ya pa 76 aña. We



Pa abona na
SOLO DI PUEBLO
Yama
585 9500

Manda nos un e-mail na
solodipueblo@gmail.com

Entrega tur dia te den bo port'i cas

E portanan di Casita Geel lo habri un biaha mas pa publico



Durante un conferencia di prensa directora di Stichting Monumentenfonds Aruba (SMFA), Anne Witsenburg, a anuncia cu entrante 1 oktober 2023 e monumento conoci bou di e number Casita Geel tin un huurdo nobo.

Den e ultimo luna SMFA a traha intensivamente den adaptacion di e edificio pa su funcion nobo y awor e cas di cunucu aki construi na principio di siglo 20 lo keda conberti den un lugar di entretenimiento pa tanto local como turistanan bou di e number; Moonshine Daiquiri Co.

Tonya Shenkin, co-propietario di Moonshine Daiquiri Co. Ta conta cu for di 23 aña pasa cu el a yega Aruba pa prome biaha a bisa su mes cu un dia e lo biba akinan. Y awor e tin su propio cas na Aruba y su propio negoshi.

E tin experiencia amplio den e industria di clubnan nocturno caminda cu a maneha cuatro club di su famia den e area di New York/ New Jersey. Asina su pasion pa hospitalidad a cuminsa y semper su meta ta pa e bishitantenan por laga tur nan preocupacionnan na porta y crea un experiencia memorabel.

Na 2020 durante e pandemia di Covid el a tuma e decision di sigui su soñonan; construi su propio cas y inicia su propio negoshi na Aruba.

Awor ta asina leu cu e ta cla pa comparti su amor pa e isla cu e localnan y turistanan di rond mundo.

Moonshine Daiquiri Co.

Tonya a splika cu Moonshine Daiquiri Co. di cual e ta co propietario hunto cu Jerome Barendregt, ta un concepto cu el a bin cune despues di biahenan haci durante e añanan. E ta encera un mescla di locual e ta disfruta y ta sinti cu un isla cu ya tin asina hopi di ofrece toch tabata falta. E tabata sa den ki area e lo tabata kier su localidad pero nunca por a imagina cu e lo por a ocupa un monumento historico manera Weststraat 15. Pa Tonya esaki tabata e cherry riba e bolo paso e lo por asina contribui tambe na preserva un parti di Aruba su historia y trece un bida nobo den e monumento aki.

Moonshine Daiquiri and Co. lo ta un espacio familiar caminda tur hende ta bon bini. Cruceronan lo bende tickets pa Moon-

shine Daiquiri Co. Como parti di nan excursionnan y esaki lo inclui un tour di Weststraat 15, 2 ora di 'paint and sip class'. Lo tin tour cada 2 ora entre 10 or di mainta pa 6 or di atardi. Tambe lo ta habri pa publico en general y parti anochi lo tin otro actividadnan pa publico, eventonan priva y fundraisers pa yuda instancianan caritativo local.

Den un esfuerzo pa duna bek na e comunidad lo ofrece tambe e oportunidad na localnan pa bende nan productonan traha na Aruba. Pronto lo tene un job fair pa busca instructornan pa nan lesnan di pintamento, bar tenders, host, waiter, musiconan etc.

E mision di Moonshine Daiquiri Co. Ta pa un y tur bay bek cu bunita recuerdonan y e mesun amor y aprecio cu Tonya tin pa Aruba.

Casita Geel

Casita Geel ta un cas di cunucu construi na aña 1908 na crusada di Caya Betico Croes y Waterweg, pega cu e actual edificio di Aruba Bank. Probablemente e parti central di e cas a ser construi na 1860 pa un Franses y na 1908 a wordo cumpra pa Sr. Richard Johan Eman van der Biest kende tabata casa cu Catharina van der Biest- Oduber. Di e matrimonio aki a nace seis yu cual tur seis a lanta den e cas aki. Un di e yiunan Frederica van der Biest-Eman a casa cu John Gerard Eman, fundador di e prome instituto financiero di Aruba, Aruba Bank. For di aña 1999 e cas a keda

inhabita y no a ser uza mas.

Na aña 2000 cu e meta pa preserva e casita aki pa futuro generacionnan y evita e bay perdi a dicidi pa muda esaki pa un locacion nobo na Weststraat. Pa aloca e monumento a busca un tereno den Oranjestad mes paso akinan ta caminda cu e cas di cunucu mester a keda mirando cu ta den e area aki so por a haya e tipo di casnan aki. Un otro punto importante tabata cu mester a haya un tereno caminda por a aloca e cas mescos cu na su tereno original na un distancia di 14 meter for di e

rooilijn esaki ta ser considera un locacion historico. Asina a logra yega na e tereno caminda e edificio ta actualmente despues cu e tereno a keda traspasa pa Stichting Monumentenfonds Aruba. Esaki ta e unico biaha cu na Aruba a muda un monumento completamente. Despues di a fungi como museo, oficina, restaurant awor e Casita Geel lo ta e cas nobo di Moonshine Daiquiri and Co.

E team di SMFA ta desea Tonya y Jerome hopi exito y hunto nos lo sigui preserva e pasado pa futuro!

PRONOSTICO DI TEMPO



VALIDO TE DIAMARS 10 DI OCTOBER 2023, 18:00 ORA

TEMPO:
AWE TARDI Y AWE NOCHI: LEVEMENTE TE PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA CU UN AWACERO BREVE

TEMPERATURA MAXIMO 33 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 34 PA 45 GRADO CELSIUS
UV INDEX: 12

SIGUI DESAROYA DEN UN CYCLON TROPICAL.
POTENCIAL DI AWACERO PA PROXIMO 24 ORA: 1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

AIRPORT : MAX 34 / MIN 29 / 0.0 MM
WESTPUNT: MAX 33 / MIN 28 / 0.0 MM
STA ROSA: MAX 33 / MIN 28 / 0.0 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO BREVE.
BIENTO LO TA FOR DI DIRECCION OOST TE OOST- ZUIDOOST Y MODERA TE BASTA FUERTE;
POSIBLEMENTE FUERTE DEN RAFAGA.
TEMPERATURA (GRADO CELSIUS)
MAX / MIN LO TA: 32 / 27

OTRO CHAUFFEUR BOU INFLUENCIA DETENI PA OCASIONA UN BOKSMENTO



Shiribana: Diadomingo den careda di 8'or y 45 di anochi a sosode un boksmento na altura di Loxing Supermarket, Shiribana. E boksmento tabata entre un Chevrolet Spark y un Suzuki SUV.

Polis di trafico a wordo pidi na e sitio.

Na yegada nan a bin compronde cu e chauffeur di e Spark a lora sali dilanti di e Suzuki suv cu tabata biniendo di pariba, sin dun'e preferencia. Tambe a nota cu e chauffeur di e Spark ta bou influencia. Polis mesora a pone supla y e la supla mas cu ta permiti. Mesora e la wordo deteni y cu transportwagen di polis e la wordo hiba warda di polis.

Accidente semi-frontal den Semeleerstraat



Diasabra anochi a drenta informe di un accidente den Semeleerstraat, mesora a dirigibun patruya na e sitio. Na yegada di e patruya a bin compronde

cu aki ta trata di un accidente semi-frontal unda cu afortunadamente ningun hende a resulta herida. Pa mas sigur polis a test ambos chauffeur

y ambos a pasa e test bon sin surpasa e limite. Como cu ambos auto tin e mesun compania di seguro a laga nan den man di e roadservice.

FORTALEZA PA FAMIA.

Scirbi pa Pastor Marcel Balootje.

AUTORIDAD DI MAYOR TA ESTABLECI PA DIOS

Den tur instituto cu ta traha cu mucha, of fundacion cu ta traha cu mucha e autoridad di mayor mester ta conoci y respeta, pasobra Dios a establece e autoridad di mayor.

Asina cu autoridad di mayor ta debilita, norma y balor ta baha den famia, cu tur consecuencia conoci.

Dios ta usa autoridad pa trece ordo y husticia den mundo, pasobra Dios ta e autoridad Supremo y mayor riba tur cos.

Dios a establece tres tipo di autoridad den un pais. Esun di Gobierno. Esun di Husticia. Esun di mayornan.

Nan tur 3 mester cana den e linja di berdad y respet pa Dios, y no cambia nada cu Dios a establece, pa evita cu libertinahe ta drenta den e poblacion, inmoralidad ta purba domina, asina hende por cuminsa pensa cu nan por haci locual cu nan kier sin ningun clase di respet pa Dios y su autoridad estableci.

Gobierno tin cu haci tur esfuerso pa cumpli cu su deber na e pueblo, pa asina e pueblo por cumpli cu su parti y pas por reina tur den tur cas. (Esaki no ta politica pero seriedad) .

Husticia mester para firme

y fuerte pa controla, y pone orden y respet.

Mayornan tin e labor di lanta yuinan conforme na e palabra di Dios, pa asina nan no tropica ni cu husticia, ni tampoco cu leynan estableci pa gobierno.


Tocante e 3 autoridadnan aki por wordu lesa den Romanonan capitulo 13 completo y 2 Corintionan capitulo 13:1-10. Pasobra asina cu un ta debilita e otronan tin cu reforsa.

E autoridad di Mayor, no por wordo negligisha tampoco manipula,pa e Famia no tambalia.

Tur insituto cu ta traha cu mucha, tur fundacion cu ta traha cu mucha, tur scol, y tur creche,mester pone den nan statutonnan cu autoridad di mayor ta estableci pa Dios, pasina muchanan lanta cu respet pa nan mayornan. E autoridad cu Señor a duna mayornan ta pa Edificacion y no pa destruccion.(2 Corintionan 13:10).

Poverbionan 19:20 ta para scirbi: Disiplina bo yiu mientras cu tin speransa ainda y no desea su morto.

Un mayor mester eherce su autoridad ta riba lo siguiente: (Riba tur cu ta biba bao di su dak)



E mester ta na altura, cu ken su yiu ta sali y na unda e ta bay.

E mester controla su yiu su tas, su camber, y si tin mester hasta su telefon.

Awendia droga ta wordo bendi y entrega nas cas mescos cu Pizza.

E mayor tin tur autoridad pa puntra e mucha kico e tuma serca hende na auto y existi pa e mucha habri su man pa e wak y si ta droga denuncia inmediatamente.

Ningun mucha no por sali cu spirito, e persona cu e ta sali cune, mester ta conoci.

Mayor su deber ta zorg pa alimentacion,bistimento, gasto di estudio, pero mas cu tur cos edifica e mucha pa un bida decente y agradabel den bista di Dios y di hende.

Colosensenan 3:20+21 ta para scirbi: Yuinan sea obedecido na boso mayornan den tur cos,pasobra esaki ta agradabel na Señor. Tatanan no provoca boso yuinan pa nan no perde animo.(Efesionan 6:1-4).

riba caminda di Dios.

Ora Dios duna bo autoridad e ta yama bo pa duna cuenta, pasobra Dios kier pa tur mayor ta responsabel pa nan yuinan.




HOTLINE
















744-0444

CAPT'E Y MAND'E



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 09 Oct 2023 Merdia

<div></div> <div>Sorteo # 4058</div> <div>7176</div> <div>3826</div> <div>3990</div> <div></div> <div>X2</div> <div></div> <div>Sorteo # 4058</div> <div>2651</div> <div></div> <div>Sorteo # 2114</div> <div>4528</div> <div></div> <div>Sorteo # 4058</div> <div>5992</div> <div>Virgo</div> <div></div> <div>Sorteo # 932</div> <div>320</div> <div></div> <div>FP</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>800.000,-</div>	<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl. 8,00</div> <div>Proximo Jackpot</div> <div>107.000,-</div>	<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Mega Ball:</div> <div>Proximo Jackpot</div> <div>330.000,-</div>	<div></div> <div>Afl. 430.000,-</div>	<div></div> <div>Sorteo #</div>	
--	---	---	---	--	--	---